



www.qbz.gov.al

Buletini i Njoftimeve Zyrtare I REPUBLIKËS SË SHQIPËRISË

Botim i Qendrës së Botimeve Zyrtare

Viti: 2025 – Numri: 17

Tiranë – E hënë, 30 qershor 2025

PËRMBAJTJA

	Faqe
Njoftim i Ministrisë së Ekonomisë, Kulturës dhe Inovacionit nr. 8274, datë 23.6.2025	Për shitje me ankand të pronës shtetërore në administrim të Agjencisë së Administrimit të Pasurive të Sekuestruara dhe të Konfiskuara..... 3
Njoftim i Korporatës së Investimeve Shqiptare nr. 323/8, datë 26.6.2025	Për ndryshimin e njoftimit të procedurës konkurruese për kontratën “Projektimi dhe zhvillimi nëpërmjet sipërmarrjes i projektit të investimit ‘Rijetëzimi i pallatit të lojërave me dorë ‘Asllan Rusi’, Tiranë’”..... 3
Kërkesë e Ministrisë së Drejtësisë nr. 755/5, datë 27.6.2025	Për shprehje interesi për vendet vakante për përmbarues gjyqësor shtetëror..... 4

**NJOFTIM****Nr. 8274, datë 23.6.2025**

**PËR SHITJE ME ANKAND TË PRONËS
SHTETËRORE NË ADMINISTRIM TË
AGJENCISË SË ADMINISTRIMIT TË
PASURIVE TË SEKUESTRUARA DHE
TË KONFISKUARA**

Në zbatim të vendimit të Këshillit të Ministrave nr. 888, datë 11.11.2020, “Për përcaktimin e kriterëve të vlerësimit, mënyrat dhe procedurat e dhënies në përdorim dhe të tjetërsimit të pasurive të konfiskuara”, dhe të vendimit të Këshillit të Ministrave nr. 926, datë 29.12.2014, “Për kriteret e vlerësimit të pronës shtetërore, që privatizohet apo transformohet dhe për procedurën e shitjes”, kapitulli III, shpallet për shitje me çmim fillestar, si më poshtë:

Në administrim të Agjencisë së Administrimit të Pasurive të Sekuestruara dhe të Konfiskuara

Nr.	Emërtimi	Viti i prodhimit	Vlera fillestare e ankandit në lekë	Zhvillimi i ankandit		
				Data	Ora	Vendi
1	Porsche Panamera	2010	100 000	22.7.2025	10:00	DSHPP

Çdo person fizik apo juridik i interesuar për blerje me ankand duhet të paraqesë në vendin, datën dhe orën e njoftuar pranë komisionit të ankandit, dokumentacionin si më poshtë:

1. Kërkesë me shkrim për blerjen e objektit, apo të ndërmarrjes, e regjistruar pranë protokollit të Ministrisë së Ekonomisë, Kulturës dhe Inovacionit.

2. Mandatpagesën apo garancinë bankare në origjinal, që vërteton derdhjen apo ngurtësimin e 20% të vlerës së fillimit të ankandit, në lekë, për llogari të Agjencisë së Administrimit të Pasurive të Sekuestruara dhe të Konfiskuara.

3. Deklarimin personal të secilit pjesëmarrës, që vërteton se ky i fundit nuk është në konflikt interesi, sipas dispozitave të ligjit nr. 10192, datë 3.12.2009, të ndryshuar dhe të ligjit nr. 34/2019, të ndryshuar.

4. Dokument identifikimi (pasaportë biometrike ose letërnjoftim).

Shënim. Pjesëmarrësit në ankand, i cili tërhiqet nga ankandi pa dhënë asnjë ofertë për vlerën e objektit të shpallur për shitje, nuk i kthehet 20% e vlerës fillestare, të ngurtësuar për pjesëmarrje në ankand.

Mandatpagesa apo garancia bankare duhet të bëhet detyruesisht brenda afatit të pranimit të kërkesave për pjesëmarrje në ankand. Mandatpagesa apo garancia bankare mund të bëhen pranë çdo banke të nivelit të dytë në llogaritë respektive të hapura për Agjencinë e Administrimit të Pasurive të Sekuestruara dhe të Konfiskuara, pasi të keni tërhequr pranë kësaj agjencie faturën për arkëtim të plotësuar dhe të nënshkruar nga përfaqësuesi i institucionit.

Këto informacione gjenden edhe në faqen e internetit të Ministrisë së Ekonomisë, Kulturës dhe Inovacionit: www.meki.gov.al.

NJOFTIM**Nr. 323/8, datë 26.6.2025**

**PËR NDRYSHIMIN E NJOFTIMIT TË
PROCEDURËS KONKURRUESE
PËR KONTRATËN “PROJEKTIMI
DHE ZHVILLIMI NËPËRMJET
SIPËRMARRJES I PROJEKTIT TË
INVESTIMIT ‘RIJETËZIMI I PALLATIT
TË LOJËRAVE ME DORË
‘ASLLAN RUSI’, TIRANË”**

Zhvilluesi i Projektit të Investimit:

Emri i Projektit:

Konkursi i projektimit dhe përzgjedhja e zhvilluesit:

Titulli i kontratës:

Korporata e Investimeve Shqiptare

Rijetëzimi i pallatit të lojërave me dorë “Asllan Rusi”, Tiranë

Agjencia Kombëtare e Planifikimit të Territorit dhe KISH-ja

Projektimi dhe zhvillimi nëpërmjet sipërmarrjes i projektit të investimit “Rijetëzimi i pallatit të lojërave me dorë ‘Asllan Rusi’, Tiranë”

Korporata e Investimeve Shqiptare njofton të gjithë të interesuarit për një ndryshim në njoftimin e procedurës konkurruese, të publikuar në faqen zyrtare të internetit të Korporatës së Investimeve Shqiptare më datë 13 qershor 2025, për kontratën “Projektimi dhe zhvillimi nëpërmjet sipërmarrjes i projektit të investimit ‘Rijetëzimi i pallatit të lojërave me dorë ‘Asllan Rusi’, Tiranë””, si më poshtë:



1. Në pikën 16 të njoftimit, afati për dorëzimin e aplikimeve do të jetë **21 korrik 2025, 14:00 CET (ora lokale)**.

Të gjitha të drejtat dhe detyrimet e Korporatës së Investimeve Shqiptare dhe të aplikantëve shtyhen deri në afatin e rishikuar për dorëzimin e aplikimeve.

Announcement

Investment Project Developer:	Albanian Investment Corporation
Project Name:	“Revitalization of the ‘Asllan Rusi’ Sports Palace, Tirana”
Design Competition and selection of developer:	National Territorial Planning Agency and Albanian Investment Corporation
Contract title:	Design and Development through Contracting of the Investment Project “Revitalization of the ‘Asllan Rusi’ Sports Palace, Tirana”

The Albanian Investment Corporation informs all interested parties of a change in the Notice of Competitive Procedure, published on the official website of the Albanian Investment Corporation, dated June 13, 2025, for the contract “Design and Development through Contracting of the Investment Project ‘Revitalization of the ‘Asllan Rusi’ Sports Palace, Tirana’” as follows:

1. In point 16 of the Notice, the deadline for submission of applications will be **July 21, 2025, 14:00 CET (local time)**.

All rights and obligations of the Albanian Investment Corporation and applicants are postponed until the revised deadline for submission of applications.

KËRKESË

Nr. 755/5, datë 27.6.2025

PËR SHPREHJE INTERESI PËR VENDET VAKANTE PËR PËRMBARUES GJYQËSOR SHTETËROR

Në mbështetje të ligjit nr. 8678, datë 14.5.2001, “Për organizimin dhe funksionimin e Ministrisë së Drejtësisë”, të ndryshuar; neneve 12, 16, 17, 33 të ligjit nr. 8, datë 2.2.2023, “Për organizimin dhe funksionimin e Shërbimit të Përmbarrimit Gjyqësor Shtetëror”; urdhrit nr. 222, datë 14.12.2023, të Kryeministrit, “Për miratimin e strukturës dhe organikës së Shërbimit të Përmbarrimit Gjyqësor Shtetëror”, të ndryshuar; urdhrit të ministrit të Drejtësisë nr. 167, datë 25.3.2024, “Për përcaktimin e rregullave të hollësishme për organizimin dhe funksionimin e Këshillit të Përmbarrimit”; urdhrit nr. 432, datë 30.6.2023, “Për përcaktimin e rregullave të hollësishme për organizimin, zhvillimin, përmbajtjen e provimit të pranimit, si dhe procedurën e vlerësimit të shpalljes së rezultateve për përmbarruesin gjyqësor shtetëror”, të ndryshuar; si dhe urdhrit të ministrit të Drejtësisë nr. 392, datë 25.6.2025, “Për fillimin e procedurave për shpalljen e 3 (tri) vendeve vakante për përmbarrues gjyqësor pranë Shërbimit të Përmbarrimit Gjyqësor Shtetëror”, **Këshilli i Përmbarrimit, shpall thirrjen për shprehje interesi** për fillimin e procedurave për hyrjen në provimin e pranimit për plotësimin e 3 (tri) vendeve vakante për përmbarrues gjyqësor shtetëror në zyrat vendore përmbarrimore pranë Shërbimit të Përmbarrimit Gjyqësor Shtetëror, si më poshtë:

- 1 (një) vend vakant në pozicionin Përmbarrues Gjyqësor, Zyra Përmbarrimore Lushnjë;
- 1 (një) vend vakant në pozicionin Përmbarrues Gjyqësor, Zyra Përmbarrimore Kukës;
- 1 (një) vend vakant në pozicionin Përmbarrues Gjyqësor, Zyra Përmbarrimore Tiranë.

Kanë të drejtë të marrin pjesë në provimin e pranimit kandidatët që plotësojnë kushtet referuar nenit 16, të ligjit nr. 8, datë 2.2.2023, “Për organizimin dhe funksionimin e Shërbimit të Përmbarrimit Gjyqësor Shtetëror”, si më poshtë:

- a) Të jetë shtetas shqiptar;
- b) Të ketë zotësi të plotë juridike për të vepruar;
- c) Të ketë përfunduar programin e ciklit të dytë të studimeve universitare për drejtësi brenda vendit



ose diplomë të njësuar me të, ose të ketë përfunduar studimet universitare për drejtësi jashtë vendit, të njohur dhe të njësuar sipas legjislacionit në fuqi për arsimin e lartë në Republikën e Shqipërisë”;

d) Të mos jenë dënuar me vendim gjyqësor penal të formës së prerë;

e) Të mos jenë shkarkuar nga ushtrimi i detyrës ose i funksionit publik me vendim të organit kompetent, që ka marrë formë të prerë;

f) Të mos ketë masë disiplinore në fuqi;

g) Të ketë të paktën tre vjet përvojë profesionale si jurist;

h) Të ketë integritet moral të lartë;

Shprehja e interesit për hyrjen në provimin e pranimit duhet të depozitohet brenda datës **7.7.2025** (në rrugë postare ose edhe fizikisht), në adresën e institucionit të Drejtorisë së Përgjithshme të Përmbarrimit, sheshi “Mustafa Kemal Atatürk”, Tiranë, shoqëruar me dokumentacionin shoqërues, si vijon:

a) Kërkesë për shprehje interesi dhe arsyet përkatëse të motivimit për pjesëmarrjen në këtë provim;

b) Jetëshkrim;

c) Kopje e kartës së identitetit;

d) Kopje të njësuar me origjinalin e diplomës së ciklit të dytë (master shkencor ose master profesional me 120 kredite me afat ndjekjeje dyvjeçare) të studimeve universitare për drejtësi, të lëshuar nga institucionet e arsimit të lartë, të licencuara dhe të akredituara sipas dispozitave në fuqi në kohën e lëshimit të diplomës, ose diplomën e të njëjtit cikël, të lëshuar nga një institucion i huaj i arsimit të lartë, të njohur e të njësuar sipas legjislacionit në fuqi për arsimin e lartë në Republikën e Shqipërisë;

e) Vërtetim nga punëdhënësi i fundit dhe/ose organet disiplinore, që nuk është larguar nga detyra ose i është hequr licenca, autorizimi ose leja për ushtrimin e një profesioni për shkaqe disiplinore, si dhe vërtetim që nuk ka masë disiplinore në fuqi;

f) Kopje të njësuar me origjinalin të librezës së punës që të vërtetojë periudhën e vjetërsisë në punë;

g) Vërtetim i gjendjes gjyqësore;

h) Raportin mjekoligjor për aftësimin e tij të përgjithshëm në kuadër të kryerjes së detyrës si përmbarrues gjyqësor shtetëror;

i) Dëshmi, vërtetime dhe rekomandime nga persona dhe institucione ku kanë punuar viteve të fundit;

j) Deklaratë që vërteton se nuk është anëtar i partive politike;

k) Çdo dokument tjetër që çmohet i nevojshëm për vërtetimin e përmbushjes së kriterëve ligjore për përmbarrues gjyqësor shtetëror.

Kandidatët që përmbushin kushtet për t'u pranuar në provimin me shkrim do të njoftohen përmes publikimit të listës emërore në faqen zyrtare elektronike të Ministrisë së Drejtësisë, si dhe të Drejtorisë së Përgjithshme të Përmbarrimit, brenda 13 (trembëdhjetë) ditëve nga mbyllja e afatit të aplikimit.

Provimi me shkrim do të zhvillohet më datë **25.7.2025, ora 10:00**, në ambientet e Ministrisë së Drejtësisë, me adresë: bulevardi “Zogu i Parë”, Tiranë.

Rregullat e detajuara për zhvillimin e provimit të pranimit, për kontrollin e njohurive, fusha e testimit, vlerësimin me pikë dhe mënyrën e llogaritjes së rezultatit përfundimtar janë sipas përcaktimeve në urdhrin e ministrit të Drejtësisë nr. 432, datë 30.6.2023, “Për përcaktimin e rregullave të hollësishme për organizimin, zhvillimin, përmbajtjen e provimit të pranimit, si dhe procedurën e vlerësimit dhe të shpalljes së rezultateve për përmbarruesin gjyqësor shtetëror”, të ndryshuar.

Provimi i pranimit vlerësohet me maksimumin e mundshëm 100 (njëqind) pikë, nga të cilat provimi me shkrim përbën 75 (shtatëdhjetë e pesë) pikë të numrit total të pikëve dhe pjesa e provimit me gojë përbën 25 (njëzet e pesë) pikë.

Kandidati që do të vlerësohet me të paktën 60 pikë në pjesën e kontrollit të njohurive me shkrim, kalon në testin e kontrollit të njohurive me gojë.

Lista me kodet dhe pikët e fituara nga kandidatët në provimin me shkrim publikohet në faqen zyrtare elektronike të Ministrisë së Drejtësisë dhe të Drejtorisë së Përgjithshme të Përmbarrimit. Publikimi, për efekt ankimi, është i barasvlershëm më njoftimin e çdo kandidati.

Data, ora dhe vendi i zhvillimit të testimit me gojë do të publikohet në faqen zyrtare elektronike të Ministrisë së Drejtësisë dhe Drejtorisë së Përgjithshme të Përmbarrimit. Publikimi është i barasvlershëm me njoftimin e çdo kandidati.

Buletini i Njoftimeve Zyrtare shpërndahet falas në çdo pikë të Postës Shqiptare.
Përmbajtja e Buletinit Zyrtar mund të konsultohet falas dhe pranë Qendrës së Botimeve Zyrtare.

Tiranë, 2025

